



ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

Հ Ր Ա Մ Ա Ն

№ 25/40-ձ

«11» 02 2025 թ.

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՍՈՒՄ ԲԱԿԱԼԱՎՐԻ ԿՐԹԱԿԱՆ ԾՐԱԳՐԵՐԻ ԲԱՐԵԼԱՎՄԱՆ ԴՐԱՄԱՇՆՈՐՀԻ ՏՐԱՄԱԴՐՄԱՆ ՄՐՑՈՒՑԹ ԿԱԶՄԱԿԵՐՊԵԼՈՒ ՄԱՍԻՆ

Ղեկավարվելով «Երևանի պետական համալսարան» հիմնադրամի (այսուհետ՝ ԵՊՀ) կանոնադրության 57-րդ կետի 10-րդ ենթակետի պահանջներով՝

հ ր ա մ ա յ ու մ ե մ՝

1. ԵՊՀ-ում կազմակերպել բակալավրի կրթական ծրագրերի (այսուհետ՝ ԿԾ) բարելավման դրամաշնորհի տրամադրման մրցույթ:
2. Հաստատել մրցույթի անցկացման կարգը՝ համաձայն Հավելվածի:
3. Սույն հրամանի կատարման նկատմամբ հսկողությունը հանձնարարել ակադեմիական/ուսումնական հարցերի գծով պրոռեկտորին:
4. Սույն հրամանի մասին տեղեկացնել ԵՊՀ աշխատողներին:

ՌԵԿՏՈՐ՝

Հ. Վ. ՀՈՎՀԱՆՆԻՍՅԱՆ

Կցված է ԵՊՀ ռեկտորի 11.02 թ. 25/10 հրամանին

ԿԱՐԳ

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՍՈՒՄ ԲԱԿԱԼԱՎՐԻ ԿՐԹԱԿԱՆ ԾՐԱԳՐԵՐԻ ԲԱՐԵԼԱՎՄԱՆ ԴՐԱՄԱՇՆՈՐՀԻ ՏՐԱՄԱԴՐՄԱՆ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Սույն կարգով սահմանվում են «Երևանի պետական համալսարան» հիմնադրամում բակալավրի ԿԾ (կրթական ծրագիր) բարելավման համար դրամաշնորհի (այսուհետ՝ Դրամաշնորհ) հատկացման պահանջները և մրցույթի անցկացման կարգը:
- 1.2. Դրամաշնորհի հատկացման նպատակը միջազգային չափանիշներին համապատասխան որակյալ կրթության տրամադրման և ԿԾ մրցունակության խթանումն է:
- 1.3. Դրամաշնորհի հատկացման և մրցույթի իրականացման գործընթացները կազմակերպում և համակարգում է ԵՊՀ ուսումնամեթոդական վարչությունը (այսուհետ՝ Վարչություն):
- 1.4. Դրամաշնորհի հայտի նախնական փորձաքննությունն իրականացնում է ԵՊՀ որակի ապահովման կենտրոնը:

2. ԴՐԱՄԱՇՆՈՐՀԻ ՀԱՏԿԱՑՄԱՆ ԿԱՆՈՆՆԵՐԸ

- 2.1. Դրամաշնորհի համար մրցույթին մասնակցելու հայտը՝ կից փաստաթղթերով, ուսումնական ստորաբաժանումը կարող է ներկայացնել Վարչություն

յուրաքանչյուր տարվա մարտի 10-ից 30-ն ընկած ժամանակահատվածում՝ ուղարկելով այն education@ysu.am էլ. փոստին:

Նշված ժամկետի ավարտից հետո ներկայացված հայտերը քննարկման ենթակա չեն:

2.2. Մրցութային փաթեթը պետք է ներառի հետևյալ փաստաթղթերը՝

- ուսումնական ստորաբաժանման ղեկավարի զեկուցագիրը Դրամաշնորհին մասնակցելու վերաբերյալ,
- ԿԾ վերանայման և բարելավման աշխատանքներում ներգրավված անձանց (ընդհանուր թիվը չպետք է գերազանցի 5-ը, այդ թվում՝ ծրագրի ղեկավարը, հրավիրյալ պրոֆեսոր, տվյալ ԿԾ դասախոս, ուսանող/շրջանավարտ) ինքնակենսագրությունները,
- կրթական ծրագրի բարելավման անհրաժեշտության վերաբերյալ հիմնավորում՝ ստորագրված ԿԾ ղեկավարի կողմից,
- ԿԾ վերլուծությունը, թերի կողմերի և հիմնական ռիսկերի նկարագրությունը՝ հիմնված ԿԾ մշտադիտարկման (մոնիթորինգի) արդյունքների վրա՝ ըստ սահմանված ձևաթերթի (կցվում է սույն կարգին),
- ուսումնական ստորաբաժանման գիտական խորհրդի որոշման քաղվածքը՝ Դրամաշնորհին դիմելու երաշխավորման վերաբերյալ,
- նախահաշիվը (կցվում է սույն կարգին):

2.3. Դրամաշնորհի հատկացման համար մրցույթի անցկացման և հայտերի փորձաքննության կազմակերպումը համակարգում է ԵՊՀ մեթոդական խորհուրդը (այսուհետ՝ Խորհուրդ):

2.4. Հայտերի ներկայացման վերջնաժամկետից հետո՝ 15 աշխատանքային օրվա ընթացքում, Խորհրդի կողմից կազմակերպվում են Դրամաշնորհի հայտերի փորձաքննություն (ներառյալ ՈԱԿ-ի նախնական փորձաքննությունը) և փորձաքննության արդյունքների հաստատում:

- 2.5. Խորհրդի նիստն իրավագոր է, եթե դրան մասնակցում է Խորհրդի անդամների ընդհանուր թվի 2/3-ը:
- 2.6. Խորհրդի որոշումներն ընդունվում են նիստին ներկա անդամների ձայների պարզ մեծամասնությամբ:
- 2.7. Խորհրդի կողմից ֆինանսավորման երաշխավորված կրթական ծրագրերի ցանկը ներակայացվում է ռեկտորի հաստատմանը:

3. ԽՄԲԻ ԱՆԴԱՄՆԵՐԻՆ ՆԵՐԿԱՑԱՑՎՈՂ ՊԱՀԱՆՁՆԵՐԸ

- 3.1. Դրամաշնորհի ղեկավար կարող է լինել կրթական ծրագրի ղեկավարը:
- 3.2. Խմբի անդամներից առնվազն մեկը պետք է լինի հրավիրյալ պրոֆեսոր, ով ունի գիտական աստիճան և օտարերկրյա բուհում Դրամաշնորհին առնչվող կրթական գործունեություն է ծավալում:
- 3.3. Խմբի երրորդ անդամը պետք է լինի ԵՊՀ աշխատող և տվյալ ԿԾ-ում դասավանդի առնվազն մեկ մասնագիտական դասընթաց:
- 3.4. Խմբում պետք է ընդգրկվի տվյալ ծրագրի ավարտական կուրսի ուսանող կամ շրջանավարտ, ում ՄՈԳ-ը առնվազն 18 է:
- 3.5. Ուսումնական ստորաբաժանման ղեկավարը և գրասենյակի ղեկավարը չեն կարող լինել խմբի անդամ:
- 3.6. Խմբում հասարակական կարգով կարող է ներգրավվել նաև տվյալ մասնագիտական ոլորտի գործատու, ով ունի առնվազն 5 տարվա աշխատանքային փորձ:

4. ԽՄԲՈՒՄ ԸՆԴԳՐԿՎԱԾ ՀՐԱՎԻՐՅԱԼ ՊՐՈՖԵՍՈՐԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ

- 4.1. Հրավիրյալ պրոֆեսոր կարող է լինել օտարերկրյա համալսարանում համապատասխան մասնագիտական ոլորտում գիտամանկավարժական գործունեությամբ զբաղվող այն անձը, ում Հիրշի ինդեքսն (h-index) ըստ «Scopus» գիտատեղեկատվական շտեմարանի տվյալների՝ առնվազն 3 է՝ հումանիտար և 5՝ բնագիտամաթեմատիկական ուղղությունների համար:
- 4.2. Աշխատանքների իրականացման ընթացքում պրոֆեսորն աշխատում է առցանց ձևաչափով (4 ամիս):
- 4.3. Պրոֆեսորն իր պաշտոնական էլեկտրոնային հասցեից Վարչության էլեկտրոնային հասցեին պետք է ուղարկի իր կենսագրական տվյալները և հաստատող նամակ՝ նշելով, որ ծանոթ է սույն կարգով նախատեսված իր պարտականություններին և գործառույթներին:

5. ԱԿՆԿԱԼՎՈՂ ԱՐԴՅՈՒՆՔԸ

- 5.1. Ծրագրի իրականացման ժամանակահատվածում ներկայացվում է 2 զեկույց՝ միջանկյալ և ամփոփիչ.
 - միջանկյալ զեկույց (ստորագրված ուսումնական ստորաբաժանման ղեկավարի կողմից), որը ներկայացվում է աշխատանքների իրականացման երկրորդ ամսվա ավարտին: Ջեկույցում ներկայացվում են այդ փուլում կատարված աշխատանքների արդյունքները, ինչպես նաև հաշվետվություն՝ իրականացված բենչմարքի վերաբերյալ. բենչմարքինգի իրականացման համար հիմք է ծառայում ակադեմիական ուղղությունների համաշխարհային վարկանիշավորման ShanghaiRanking's Global Ranking (Շանհայի ցանկի՝ <https://www.shanghairanking.com/rankings/gras/2024>) կամ Times Higher Education (Թայմս Հայեր Էդուքեյշն) ակադեմիական ուղղությունների վարկանիշավորման

ցանկում (<https://www.timeshighereducation.com/world-university-rankings/by-subject>) (մինչև 150-րդ դիրք) ընդգրկված արտասահմանյան որևէ բուհի բակալավրի համապատասխան կրթական ծրագիրը,

- ամփոփիչ զեկույց, որը ներկայացվում է կարգով սահմանված ժամկետի ավարտին: Զեկույցում ներկայացվում են ծրագրի արդյունքները և բարելավված դասընթացների ցանկը,
- ԿԾ հիմնական մասնագիտական դասընթացների (առնվազն 10 դասընթաց) վերանայված նկարագրիչները և պլանները,
- վերջնարդյունքներին համապատասխան դասավանդման նոր մեթոդների և գնահատման արդյունահեռք չափանիշների նկարագրություն վերանայվող դասընթացների համար:

6. ԱՅԼ ԴՐՈՒՅԹՆԵՐ

- 6.1. Դրամաշնորհի մրցույթը հայտարարվում է տարին մեկ անգամ: Ծրագրի ընդհանուր տևողությունը 4 - 6 ամիս է:
- 6.2. Դրամաշնորհի ընդհանուր ֆինանսավորման սկիզբը հոկտեմբերի 1-ն է, ավարտը՝ մարտի 30-ը:
- 6.3. Դրամաշնորհի ֆինանսավորման առավելագույն չափը չի կարող գերազանցել 3.5 մլն ՀՀ դրամը:
- 6.4. Դրամաշնորհի իրականացման համար դրամաշնորհի ղեկավարը չի վարձատրվում:
- 6.5. Դրամաշնորհի ղեկավարի համար լրիվ աշխատանքային ծանրաբեռնվածություն է հաշվարկվում 600 ժամը:
- 6.6. Պրոֆեսորի աշխատանքի վարձատրության ընդհանուր գումարը 4 ամսվա համար չի կարող գերազանցել 1.5 մլն ՀՀ դրամը:

6.7. Դրամաշնորհի ֆինանսավորումը կատարվում է ստորև նշված ժամանակացույցին համապատասխան՝

- Դրամաշնորհի ընդհանուր գումարի 50 տոկոսը տրվում է պայմանագրի կնքման ամսաթիվը ներառող ամսվա վերջին, իսկ մնացյալ 50 տոկոսը՝ Դրամաշնորհի կատարման վերաբերյալ միջանկյալ հաշվետվության արդյունքների հիման վրա:
- Դրամաշնորհի մնացած գումարը բաշխվում է հավասարաչափ՝ ամսական վճարման սկզբունքով, մինչև դրամաշնորհի ժամկետի ավարտը:

6.8. Դրամաշնորհի կատարման ընթացքում սույն կարգով սահմանված պարտավորությունների ոչ պատշաճ կատարման դեպքում ֆինանսավորումը կարող է դադարեցվել, իսկ ուսումնական ստորաբաժանումը՝ երեք տարի ժամկետով զրկվել դրամաշնորհին դիմելու իրավունքից:

ԿՐԹԱԿԱՆ ԾՐԱԳՐԻ ԻՆՔՆԱԳՆԱՀԱՏՄԱՆ ՁԵՎԱԹԵՐԹ

Կրթական ծրագրի վերլուծությունը ներառում է.

1. Բարելավման անհրաժեշտության վերաբերյալ հիմնավորում (հիմնական նպատակները) (առնվազն 400 բառ):
2. Կրթական ծրագրի թույլ կողմերը (առնվազն 400 բառ):
3. Առաջարկներ թույլ կողմերի շտկման կամ մեղմացման վերաբերյալ (առնվազն 400 բառ):
4. Բարելավման ներկայացվող դասընթացների ցանկը:
5. Ակնկալվող արդյունքները (առնվազն 250 բառ):

ՆԱԽԱՀԱՇԻՎ¹

ԱՇԽԱՏԱՆՔԻ ՎԱՐՉԱՏՐՈՒԹՅՈՒՆ (ներառյալ եկամտային հարկը)

Ազգանուն անուն հայրանուն	ամս ակա ն	ամիսների քանակ	պահանջ վող գումար
1)			
2)			
3)			
ԸՆԴՀԱՆՈՒՐ ԳՈՒՄԱՐ			

ԱՅԼ ԾԱԽՍԵՐ

1. ՍԱՐՔԵՐ, ՆՅՈՒԹԵՐ ԵՎ ԾԱՌԱՅՈՒԹՅՈՒՆՆԵՐ	
1)	
...	
ԸՆԴՀԱՆՈՒՐ ԳՈՒՄԱՐ	

ՈւՍ ղեկավար՝ _____

(ստորագրություն)
հայրանուն)

_____ (ազգանուն,

անուն,

Գլխավոր հաշվապահ՝ _____

(ստորագրություն)
հայրանուն)

_____ (ազգանուն,

անուն,

¹ Ծախսային հոդվածների միջև վերաբաշխումները չեն կարող գերազանցել 10 % -ը, աշխատավարձի և դրան հավասարեցված վճարումների վերաբերյալ ծախսային հոդվածում վերաբաշխումներ չեն կարող լինել: